

## ***T U H A G A K H A Q***

---

### **2016 Tikkuarnikhakkut Angmaumayuq Iilitaqhinikhakkut Nunavunmi**

**IQALUIT, Nunavut (May 31, 2016)** – Uqaqtittiysi Maligaliurvingmi uvvalu Ikhivautabluni ukunani Iilitaqhinikhakkut Nunavunmi Uqaudjiyuuyut Katimayini George Qulaut ublumi tuhaqtittiyuq angmaumaffaalirmiyumik Iilitaqhinikhakkut Nunavunmi.

Uvani January 1, 2010, *Ukuat Iilitaqhinikhakkut Nunavunmi Maligaryuanga* atuliqhimayuq. Hamna maligalirinikkut ihumagiyauniqaqtuq Iilitaqhiniup haffuminnga “ihumagiyauttiarlutik kitullikiaq tunihilluaqpaktunik pitquhilirinirmut, inuuhilirinirmut uvvaluunniit pivallianikhakkut nakuatuurnikhanik Nunavunmi.” Hamna ilitaqidjut anginiqhauyuq ihumagiyauttiarnirmut Nunavunmi uvvalu hivulliuqpiyaqtuq ahinit ilitaqidjutinik, pinniqhautinik uvvalu nivingayunik aittuutauvaktunik uvvaluunniit tuniyauvaktunik ukunatigut Kavamatkuannit Nunavut.

Una Iilitaqhinikhakkut Nunavunmi Uqaudjiyuuyut Katimayiat ihumaliurutigivagait tikkuahidjutit Iilitaqhinikhakkut uvvalu pitquivakhutik uvunga Kamisinaanut Nunavunmi, Hivuliqtiubluni kivgaqtuivaktuq Iilitaqhidjutinik. Ukuat ilauqatauyut uvani Uqaudjiyuuyut Katimayiani ukuanguyut Uqaqtittiysi Maligaliurvingmi, una Angayukhiqpaq Apiqhuiyi Nunavunmi Apiqhuivianni unalu Angayuqqaanga Nunavut Tunngavik-kunni.

Tikkuarutikhakkut titirarvikhait hailiyut havagvianit Maligaliuqtit Maligaliurvingmi uvvalu qaritauyakkut piyauyungnaqtut Maligaliurviup qaritauyakkuurutinganni uvanu [www.assembly.nu.ca](http://www.assembly.nu.ca). Tikkuarutikhat tuniyauyukhat unnuhaami 5:00pm (EST) tikitinnagua Pingattiut, August 31, 2016-mi. Iilitariyudjutit quviahuutait ukiuq nungutinnagu qiahuutigiyauunnaqut.

Ublumimut, tamaat tualunguyut (12) atuni inuit tuniyauhimaliqtut Iilitaqhidjutaanni Nunavunmi tunihilluaqpakkamik inulirinikkut uvvalu nunalingni ikayuqtiuvaktunut, hanauyaarnikkut, ilihainikkut, uqauhinut pivaalliqtittinikkut, nappatiqattiarnirmut hivunniurniq uvvalu nanminiqarnirmut pivallianiq.

“Ukuat Katimayitkut niriuktut ihumaliurutiqarnikhakkut tikkuqtuinirmut kitunullikiaq ihumagiyauttiyaqpaktunut Nunavunmiut,” uqaqtuq Uqaqtittiysi Qulaut.

-30-

Tuhaffaarumaguvit:

John Quirke, Titiraqti Maligaliurvingmi

Uvvalu Titiraqti Iilitaqhinikhakkut Nunavunmi Uqaudjiyuuyut Katimayit

Uqaqtikkut: (867) 975-5000